



UNIVERSITÄTS-  
BIBLIOTHEK  
PADERBORN

**VRBIS|| HIEROSOLIMÆ|| QVEMADMODVM EA CHRISTI||  
tempore floruit, & suburbanorum eius brevis.||  
descriptio.||**

**Adrichem, Christiaan van  
Coloniae Agrippinae, 1585**

**VD16 A 298**

Portae Circvm Urbem.

---

[urn:nbn:de:hbz:466:1-64394](https://nbn-resolving.org/urn:nbn:de:hbz:466:1-64394)

PORTAE CIRCVM VRBEM. 141

PORTAE ET TVRRES  
CIRCVM VRBEM.

153.



APHETETA, orientalis ciuitatis murus super torrentem Cedron, quem Ionathas Machabæus reparauit.

*1 Mach. 12. e*

154.

LAPIS ANGVLARIS durissimus, solidum montis Sion fundamentum; spiritualiter Christum, qui firmum & stabile Ecclesie fundamentum est, præfigurans.

*1 sai. 28. d.*

*Psal. 117. d.*

*Neem. 3. e.*

*Matt. 21. d.*

*Act. 4. b.*

*Rom. 9. g.*

*1. Pet. 2. a.*

155.

PORTA ANGVLI. sic dicta, quia in aquilonari orientali que ciuitatis angulo iuxta torrentem Cedron sita erat. quæ etiam Porta Benjamin vocabatur, quòd per eam in tribum Benjamin via esset. Per hanc portam ex deserto in urbem ligna inuehebantur. In hac etiam Ieremias comprehensus est. cuius ruinae nunc longè extra urbem visuntur.

*4. Reg. 14. d.*

*2. Par. 25.*

*g. 26. b.*

*Iere. 31. g. 37.*

*c. 38. b.*

*Zach. 14. b.*

*Broc. itin. 6.*

*b.*

*Sal. 10. 8.*

*cap. 5.*

POR.

156.

*Ezech. 43 a*  
*44. a.*  
*Broc. itin.*  
*6. b.*

*Salign. to. 9*  
*ca. 4.*

*Breiden. 14*  
*Iul. a.*  
*Pasc. d. 184.*

*Ex historia*  
*Exaltatio-*  
*nis S. Crucis*  
*Breuiar. Ro-*  
*mam.*  
*Sal. to 8. ca.*  
*4.*

**P**ORTA AVREA, inter Portam vallis & Portam fontis constituta, sic vocata est, quod deaurata esset: quæ, quod ad orientem templi sita esset, Orientalis quoque dicta fuit. atque quia per compendium è templo ad montem Oliueti ducebat, templi potiùs, quam ciuitatis porta erat: ideoque eius Nee- mias non facit mentionem: In hac S. Anna & Ioachim, de habenda prole læti, sibi mutuo occurrisse scribuntur Et per hanc Christus in die Palmarũ super asinum equitans, humili sed ta- men solemnè pompa Hierosolymam intrauit: quæ clausa, vltro, vt fertur, ei est aperta: Porro anno à Christi na- tiuitate sexcentesimo vigesimo secun- do, Heraclius Imperator parta Diui- nitus de Cosdroa Persarum rege vi- ctoria, cum partem ligni Crucis Do- minicæ (quam olim ab Helena Impe- ratrice in montis Caluariæ templo collocatam, Persæ capta Hierosoly- ma, multisque ibi cæsis Christiano- rum

rum millibus, asportarant, ac quatuordecim annis detinuerant) superbo equo vectitans Hierosolymam reducens, hanc portam triumphali pompa ac Casareo apparatu auro gemmisque ornatus ingredi vellet; illustri miraculo, omnibus quidem perfidis admirando, nullis autem fidelibus dubio, cælitus impeditus fuit, quò enim magis progredi conabatur, eò magis retineri videbatur, Cùmque ea re & ipse Heraclius, & reliqui omnes obstupescerent; Zacharias Hierosolymorù antistes, Vide, inquit, Imperator, ne isto triumphali ornatu, in cruceferentium Iesu Christi paupertatem, & humilitatem imitère. Tum pius Princeps mox equo descendit, Imperialem coronam deposuit, auream chlamydem & Regium cultum exiit calceosque detraxit: ac plebeo indutus amictu: plantis & capite nudis, sacrosanctum Crucis lignum suis ipse humeris per eandem, quàm id Saluator tulerat, portàs viam, ad Caluariæ montem retulit; atque in eodem loco, vnde fuerat à Persis asportatù, reposuit. Quàm obrem perpetuo sancitum est edictò,

vt quotannis decimo quarto Septembris die Exaltationis & Crucis memoria in ecclesia celebraretur.

## 157.

*4 Reg. 41. d.*

*2. Par. 25. g.  
26 b.*

*Neem. 8. d.*

*12. c.*

*Iosep. 9. ar.*

*10. 11.*

*Broc. itin. 6.*

*b. Sal. 10. 8.*

*ca. 5.*

**P**ORTA EPHRAIM, quæ nunc à quibusdam S. Stephani appellatur, contra septentrionem sita, viam respiciebat quæ in tribum Ephraim ducit, vnde sibi nomen Ephraim sortita est. Ab hac Porta. vsque ad portam anguli Ioas Israelitarum rex murum Ierusalem quadringentorum cubitorum spacio diruit: & triumphabundus per id interstitium curru in ciuitatem inuectus, urbis factus est Dominus. quem murum vnà cum turribus Oziam Iudæ Regem postea restituisse legimus.

## 158.

*Neem. 2. c. 3.*

*d f. 8 a. d. 12*

*c.*

**P**ORTA FONTIS, quæ & AQUARVM dicitur, porta fictilis erat inter montem

PORTAE CIRCVM VRBEM. 145

tem Sion & montem Moria in voragine Mello contra orientem posita. & fontis, aquarumque porta ex eo dicta quòd ad fontem & aquas Silòe transfutum aperiret. Hæc alio nomine, quòd equi per illam pro adaquatione in torrentem Cedron educerentur, Equorum porta orientalis est vocata. ducebaturque in vallem Gehennom.

2. Par. 23. c.

Ierem. 19. a.

31. g.

Broc. iti. 6. b.

Sal. 10. 8. c. 5

159.

**P**ORTA GENATH, id est, horti, nempe Herodis, quæ non longè à secundo ciuitatis muro sita erat. qua in Hippicum turrim aqua inducebatur. Per hanc portam seditiosi latenter profilientes, in Romanos sæpè fecerunt excursus.

Ios. 6. bel. 6.

7. 8.

160.

**P**ORTA HORTI REGIS, quæ in monte Sion inter duos arcis muros collocata erat. per quam Sedechias rex nocte fugit

4. Reg. 25. a.

Ierem. 39. a.

52 b.

161.

**P**ORTA PALATII PONTIFICIS,

Nem. 3. e.

K

FICIS,

FICIS, siue Sacerdotis magni, austrum respiciens.

## 162.

**P**ORTA PISCIVM, quæ iuxta turrim David inter montem Sion & ciuitatem inferiorem in valle Mello contra occidentem sita erat: & per adiunctam ei testudinem (quæ ultra Voraginem extendebatur) commodum cuius exitum exhibebat ac introitum. Atque piscium quidem porta ex eo dicebatur, quòd per eam à Ioppe & alijs maritimis locis quotidie in urbem pisces inferebantur. Hæc alijs nominibus etiam Porta David, & Porta negotiatorum inscribitur: David quidem, quòd turri Davidis proxima esset; Negotiatorum verò, quòd per eam variæ negociatorum merces à Bethleem, Hebron, Gaza, Aegypto, & Aethiopia inueherentur. Per hanc portam peregrini occidentales urbem ingredi solent.

## 163.

**P**ORTA STERQVILINII  
seu

2. Par. 33. 6.  
Sophon. 1. 6.  
Hieronymus  
ibidem.  
Neem. 3. 4.  
2. 6.  
Broc. itin. 6.  
b.  
Sal. tom. 8.  
64. 5.

PORTAE CIRCVM VRBEM. 147

seu stercoris, quæ contra austrum portæ anguli sita, Solem orientem respiciens, omnes ciuitatis sordes, quas pluvia congregare poterat, in torrentem Cedron euomebat: vnde non immeritò sterquilinijs siue stercoris nomen accepit.

Neem. 2. c.

3. c. 12. c.

Lira. in Neem. 3.

Broc. itin. 6.

b.

Sal. tom. 8.

cap. 5. b.

164.

PORTA TVRRIVM MV-  
PLIEBRIVM, septentrionem respiciens. per quam seditiosi in Romanos urbem obsidentes, excursus fecerunt.

Iosep. 6. bell.

2. & 5.

165.

PORTA VALLIS, nomen inde trahens, quòd in vallem Iosaphat viam faceret, inter portam sterquilinijs & portam auream media fuit, nec longè à foro pecuario & Piscina probatica distans. Quæ & ob hoc etiam PORTA GREGIS appellari meruit, quòd per hanc immolandi in templo greges in forū pecuariū venales adducerentur. Nunc verò à Protomartyre, qui per eam extra ciuitatem eductus est, & non ló-

2. Par. 26. b.

Neem. 2. c.

3. a. c. g. 12 c.

Bro. itin. 6. b.

Breiden. 14.

Iul. a.

Sal. tom. 8.

ca. 5.



gè ab eadem lapidatus. S. Stephani porta nominatur.

## 166.

*Neem. 3. b.*  
*g. 12. c.*  
*Liran in*  
*Neem. 3.*  
*Deut. 22. b.*  
*Ruth. 4. a.*  
*Ioan. 19. d.*  
*Heb. 13. b.*  
*Br. itin. 6. b.*  
*Sal. 10. ca. 7.*

**P**ORTA VETVS siue antiqua, quæ ab aquilone portæ piscium sita, Solem occidentem respiciebat. à Iebusæis quoque PORTA Iebus, & à iudicijs IUDICIARIA seu Iudicialis vocata fuit, quia ad iudicandum, olim ibi seniores sedebant: in portis enim iudicium exercebantur: extra hanc portam fiebat etiam iudiciorum executio. Vnde & Christus per hanc eductus, extra eandem quoque est crucifixus. Cuius portæ vetusta adhuc vestigia extant.

## 167.

*Brocar. itin.*  
*6. b.*

**R**VPES eminens valdè, tendens à Psephina turri ad montem vsque Sion: super quam totus occidentalis ciuitatis murus extructus erat.

## 168.

*Ierem. 31. g.*  
*Zach. 14. b.*

**T**VRRI ANANEEL, quæ non longè à Porta anguli sita, fortis.